



Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), člana 3 Zakona o javnim preduzećima u Brčko distriktu BiH - prečišćeni tekst (Službeni glasnik Brčko distrikta BiH, broj 22/18), člana 15a stava 2 Zakona o putevima Brčko distrikta BiH – prečišćeni tekst (Službeni glasnik Brčko distrikta BiH, broj 22/18), člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18), a u vezi sa Zaključkom Vlade Brčko distrikta BiH, broj predmeta: 13-002139/18, broj akta 01.11-1161DS-027/19 od 24. 1. 2019. godine, Rješenja Policije Brčko distrikta BiH, broj predmeta:UP-I-14-.04- 1-26-132/19, broj akta 14.04.1-26-6363/19 od 24. 1. 2019. godine i Zaključka Skupštine Brčko distrikta BiH broj 01-02-517/19 od 28. 1. 2019. godine i Prijedloga odluke JP „Putevi Brčko“ d. o. o. Brčko distrikt BiH, broj predmeta 01-5870/19 od 5. 12. 2019. godine, Skupština Brčko distrikta BiH, na 57. redovnoj sjednici održanoj 18. decembra 2019. godine, donosi

ODLUKU

O POVJERAVANJU VANREDNOG ODRŽAVANJA / REKONSTRUKCIJA MOSTA BRČKO / GUNJA NA M14.1 BiH/DC 214 RH, PREKO KORITA RIJEKE SAVE JAVNOM PREDUZEĆU „PUTEVI BRČKO“ D.O.O. BRČKO DISTRIKT BiH

Član 1

Javnom preduzeću „Putevi Brčko“ d.o.o. Brčko distrikt BiH (u daljnjem tekstu: Preduzeće), povjerava se vanredno održavanje / rekonstrukcija mosta Brčko / Gunja na M14.1 BiH/DC 214 RH, preko korita rijeke Save (u daljnjem tekstu: Most), kao i sprovođenje svih potrebnih postupaka izrade potrebnih studija projektne i tehničke dokumentacije, pribavljanje raznih dozvola i saglasnosti a sve u skladu s mjerodavnim propisima koji su na snazi u Bosni i Hercegovini, Republici Hrvatskoj i Brčko distriktu BiH. Obim aktivnosti treba biti takav da će omogućiti odvijanje teretnog saobraćaja preko mosta do maksimalno sljedećih deset godina u specijalnom režimu koji će biti definisan kroz projektni zadatak kao sastavni dio glavnog projekta, to znači da u tom periodu je potrebno sprovesti sve potrebne radnje u svrhu gradnje novog mosta za teretni saobraćaj.

Član 2

Preduzeće će u saradnji s Vladom Brčko distrikta BiH, kao i drugim nadležnim institucijama osigurati pribavljanje potrebne dokumentacije (dozvola, saglasnosti i si.) za izvođenje radova povezanih s vanrednim održavanjem / rekonstrukcijom mosta koji će glasiti na Vladu Brčko distrikta - Odjeljenje za javne poslove. Za vrijeme trajanja radova je potrebno obezbijediti uslove u režimu za privremeno odvijanje saobraćaja na mostu.

Takođe je potrebno u svemu obezbijediti punu koordinaciju s predstavnicima Republike Hrvatske, po modelu da istu vode i obezbjeđuju nadležna tijela, preduzeća, organi, institucije istog nivoa nadležnosti i odgovornosti.

Član 3

Preduzeće će imenovati tim za implementaciju, praćenje, vođenje i provođenje potrebnih aktivnosti i poslova iz člana 1 ove odluke u koji će biti imenovani stručnjaci u vezi s pojedinim pitanjima vezanim za realizaciju projekta.

U sastav tima trebaju biti imenovani stručnjaci sa iskustvom i potrebnim licencama za pojedine potrebne aktivnosti.

Tim će se sastojati od dovoljnog broja članova koji bi svojim djelovanjem pokrili sve potrebne aktivnosti u tehničko-operativnom i stručnom smislu. Okvirno, sastav tima formirati po sljedećem modelu:

- po jedan predstavnik iz vladinih odjeljenja: Odjeljenje za javnu sigurnost, Odjeljenje za javne poslove i Odjeljenje za prostorno planiranje i imovinskopravne poslove,
- tri predstavnika JP "Putevi Brčko" d.o.o. Brčko distrikt BiH,
- stručnjak iz oblasti metalnih i betonskih konstrukcija na mostovima,
- stručnjak iz oblasti hidroloških i geotehničkih radova,
- predstavnik Zavoda za planiranje i izgradnju grada.

Ukoliko se ukaže potreba za angažovanjem eksternih stručnjaka u tim za implementaciju, isti će imati pravo na novčanu naknadu uz saglasnost Upravnog odbora Preduzeća.

Član 4

Pored članova tima za implementaciju potrebno je da Vlada Brčko distrikta BiH obezbijedi potrebnu komunikaciju, saradnju i kontakte s imenovanim ovlaštenim predstavnicima država Bosne i Hercegovine i Republike Hrvatske, s obzirom da se radi o objektu na državnoj granici, a sve u skladu sa Sporazumom između Vijeća ministara BiH i Vlade Republike Hrvatske o održavanju i rekonstrukciji putničkih / cestovnih mostova na državnoj granici od 19. 9. 2019. godine.

Član 5

Novčana sredstva obezbijedena Odlukom Preduzeća broj :01-UO-75/19 od 5. 7. 2019. godine i Odlukom Skupštine Brčko distrikta BiH broj:01-02-690/19 od 9. 10. 2019. godine u iznosu od 1.600.000,00 KM predstavljaju početna (inicijalna) sredstva za pokretanje projekta. Ukupno potrebni novčani iznos za realizaciju cijelog projekta će se odrediti nakon sprovođenja i okončanja svih potrebnih poslova, procedura, izrade Studija i projektne dokumentacije, te ostalih pratećih troškova, a isti će se obezbijediti iz sredstava Preduzeća ili drugih odgovarajućih izvora, uz saglasnost Skupštine Brčko distrikta BiH, uključujući i eventualni iznos koji bi se kroz pregovore na osnovu Sporazuma obezbijedio od Republike Hrvatske.

Član 6

Zbog hitnosti i realnih potreba za stavljanje u funkciju mosta i za saobraćaj teretnih vozila u specijalnom režimu, s obzirom da se ne mijenjaju konstruktivne niti prostorne karakteristike mosta, s obzirom na činjenicu da je most izvan funkcije za teretni saobraćaj već duže vrijeme, te se zbog toga trpe privredni i finansijski gubici, potrebno je razmotriti mogućnost skraćenog postupka u skladu sa zakonom kako bi se dobilo na vremenu s ciljem da se potrebni radovi izvedu samo na osnovu lokacijskih uslova. Ukoliko je to u suprotnosti s propisima Brčko distrikta, Bosne i Hercegovine, Republike Hrvatske, onda ići na proceduru s građevinskom dozvolom.

Član 7

U slučaju potrebe za uređenjem okoline mosta na strani Bosne i Hercegovine u pogledu pristupnih saobraćajnica i drugih površina namijenjenih za funkcionisanje graničnog prelaza, daje se saglasnost Preduzeću, da u okviru iste procedure kroz poseban lot sprovede i takve aktivnosti.

Član 8

Preduzeće će shodno važećim propisima kroz tendersku proceduru sprovesti odabir izvođača radova, kao i Nadzornog tijela za kontrolu kvaliteta i kvantiteta izvedenih radova na vanrednom održavanju / rekonstrukciji mosta.

Član 9

Sastavni dio ove odluke čini hodogram planiranih aktivnosti po modelu sa ili bez građevinske dozvole, kao i Sporazum između Vijeća ministara BiH i Vlade Republike Hrvatske o vanrednom održavanju / rekonstrukciji cestovnih mostova na državnoj granici.

Član 10

Ovako donesena Odluka s ovim sadržajem i hodogramom aktivnosti predstavlja viđenje stvari na dan donošenja iste.

U slučaju nepredviđenih okolnosti, vanrednog stanja, više sile, promjene strategije saobraćaja na državnim nivoima, ili bilo kog drugog opravdanog razloga, novonastala situacija će se razmotriti i biti definisana na izmjenama ili dopunama ove odluke, ili novom odlukom.

Član 11

Ova odluka stupa na snagu prvog narednog dana od dana objavljivanja u Službenom glasniku Brčko distrikta BiH:

Broj: 01-02-761/19

Brčko, 18. 12. 2019. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Odjeljenju za javnu sigurnost
- 5) Odjeljenju za javne poslove
- 6) Odjeljenju za prostorno planiranje i imovinskopravne poslove
- 7) Policiji Brčko distrikta BiH
- 8) JP „Putevi Brčko“ d.o.o . Brčko distrikt BiH
- 9) Sektoru za opće poslove i strateško planiranje
- 10) Arhivi